

卷之五

謝宣城集目錄

卷之一

賦

酬德賦

有序

思歸賦

有序


遊後園賦

臨楚江賦

七夕賦

擬風賦

安政七次



高松賦

杜若賦

野鷺賦 有

卷之二

樂府

齊雩祭歌八首

迎神 八

世祖武皇帝 三章

青帝 二

赤帝 三章

黃帝 三章

白帝 三章

黑帝 三章

送神 五章

隨王鼓吹曲十首

元會曲

郊祀曲

鈞天曲

入朝曲

出藩曲

校獵曲

從戎曲

送遠曲

登山曲

泛水曲

江上曲

蒲生行

詠邯鄲才人嫁為縣養卒婦

鼓吹曲二首同沈右率諸公賦

芳樹

臨高臺

沈約芳樹附

又臨高臺附

王融巫山高附

又芳樹附

劉繪巫山高附

又有所思附

范雲巫山高附

又有所思附

又當對酒附

同賦雜曲名

秋竹曲

檀約陽春曲附

江魚綠水曲附

陶功曹採菱曲附

朱孝廉白雪曲附

曲池之水

銅爵臺同謝諮議賦

永明樂十首

有所思同王主簿賦

銅雀悲

玉階怨

金谷聚

王孫遊

卷之三

詩

侍宴華光殿曲水奉勅為皇太子作

九章

三日侍華光殿曲水宴代人應詔

十章

三日侍宴曲水代人應詔

九章

遊山

遊敬亭山

將遊湘水尋句溪

遊東田

答王世子

答張齊興

暫使下都夜發新林至京邑贈西府同僚

僚

酬王晉安德元

郡內高齋閒望答呂法曹

在郡卧病呈沈尚書

沈約答謝宣城附

別王丞僧孺

同羈夜集

新亭渚別范零陵雲

忝役湘州與宣城吏民別

懷故人

始之宣城郡

之宣城郡出新林浦向板橋

休沐重還丹陽道中

京路夜發

晚登三山還望京邑

始出尚書省

直中書省

觀朝雨

宣城郡內登望

冬日晚郡事隙

高齋視事

冬緒羈懷示蕭諮議虞田曹劉江二常侍

落日悵望

賽敬亭山廟喜雨

賦貧民田

移病還園示親屬

治宅

秋夜講解

春思

秋夜

卷之四

詩

和何議曹郊遊二首

和劉西曹望海臺

和宋記室省中

和王著作融八公山

和伏武昌登孫權故城

夏始和劉潺陵

新治北窻和何從事

和王主簿季哲怨情

和徐都曹出新亭渚

徐勉昧旦出新亭渚附

和劉中書

劉繪入琵琶峽望積石磯呈玄暉附
贈王主簿二首

和蕭中庶直石頭

梁武帝直石頭附

奉和竟陵王同沈右率過劉先生墓

竟陵王同沈右率過劉先生墓附

隨郡王經劉先生墓附

沈約和詩附

柳惲和詩附

虞炎和詩附

和王長史卧病

王秀之卧病敘意附

和江丞北戍琅邪城

江季嗣北戍瑯邪城詩附

和沈祭酒行園

沈約行園附

奉和隨王殿下十六首

和紀參軍服散得益

和任中丞聞琴

卷之五

詩

將發石頭上烽火樓

望三湖

送江水曹還遠館

送江兵曹檀主簿朱孝廉還上國

歸溪送別

後齋廻望

與江水曹至千濱戲

答沈右率諸君餞別

沈約餞謝文學附

虞炎附

范雲附

王融附

蕭琛附

劉繪附

離夜同江丞王常侍作

江孝嗣附

王常侍附

祀敬亭山廟

出下館

落日同何儀曹照

夜聽妓二首

詠薔薇

詠蒲

詠兔絲

遊東堂詠桐

雜詠三首

鏡臺

燈

燭

同詠樂器得琴

王融琵琶附

沈約箎附

同詠坐上玩器得烏皮隱几

沈約竹檳榔盤附

同詠坐上所見一物得席

柳惲詠席附

王融詠幔附

虞炎詠簾附

詠竹火籠

失姓名同詠竹火籠附

詠風

詠竹

詠落梅

詠牆北梔子

詠鷓鴣

聯句

阻雪連句遙贈和

還塗臨渚

紀功曹中園

閒坐

侍筵西堂落日望鄉

往敬亭路中

祀敬亭山春雨

卷之六

表

爲百官勸進齊明帝表

爲明帝讓封宣城公表

爲明帝拜錄尚書表

章

爲宣城公拜章

牋

辭隋王子隆牋

啓

爲王敬則謝會稽太守啓

謝隨王賜左傳啓

謝隨王賜紫梨啓

教

為錄公拜揚州恩教

為東海餉諸葛處士教

哀策文

齊敬皇后哀策文

謚冊文

齊明帝謚冊文

墓銘

臨海公主墓銘

新安長公主墓銘

海陵王昭文墓銘

鬱林王墓銘

祭文

祭大雷何周二神文

為隨王東耕文

為諸姊祭阮夫人文

附錄

謝朓傳

梁蕭子顯

謝朓傳

唐李延壽

傷謝朓

梁沈約

板橋浦汎月獨酌懷謝朓

唐李白

謝朓樓餞別

唐李白

謝公宅

唐李白

謝公亭

唐李白

疊嶂樓

唐李白

遺事

集評

謝宣城集卷之一



齊陳郡謝朓玄暉著

明閩漳張燮紹和纂

賦

酬德賦

右衛沈侯以冠世偉才眷予以國士以建武二年予將南牧見贈五言予時病旣以不堪蒞職又不獲復詩四年予忝役朱方又致一首迫東偏寇亂良無暇日其夏還京師且事讌言未遑

篇章之思沈侯之麗藻天逸固難以報章且欲
申之賦頌得盡其體物之旨詩不云乎無言不
酬無德不報言旣未敢爲酬然所報者寡于德
耳故稱之酬德賦其辭曰

嗟夫四時游之代序六龍驚而不息輕蓋靡于
駿奔玉衡勞于拊翼嗟歲晏之渺歡曾陰默以
悽惻玄武伏於重介宛虹潛以自匿覽斯物之
用舍相羣芳之動植弔悴軀於華省理衣簪而
自敕思披文而信道散忿懣於胸臆嗟民生之

知用知莫深于知己彼知己之爲深信懷之其
何已牽弱葛之蔓延寄陵風於松杞指曲蓬之
直達固有憑於原泉彼排虛與蹠實又相鳴於
林止興伐木於友生詠承筐於君子矧景行之
在斯方寄言於同恥求相仁於積習寓神心于
名理惟敦狎之旅歲實興齊之二六奉武運之
方昌觀休風之未淑龍樓儼而洞開梁邱煥其
重複君奉筆於帝儲我曳裾於皇穆藉風雲之
化景申遊好於蘭菊結德言而爲佩帶芳猷而

爲服援雅範以自綏懿前脩之所勗昔仲宣之
發穎實中郎之倒屣及士衡之籍甚托壯武之
高義有杞梓之貞心協丹采之輝被伊吾人之
陋薄雖黼藻之何寘惟風雅之未變知雲網之
不廓譬層棟之將傾必萃棖之先落翳明離以
上賓屬傳體於織萼周二輝而分崩擠九鼎於
重壑雖魚鳥之欲安駭風川而迴薄微天道之
布新嗟員首其焉託予窘迹以多媿塊離尤而
獨處君紆組於名邦貽話言於川渚悵分手於

東津望徂舟而延佇慮古今之爲隔豈山川之
云阻賴先德之龍興奉英靈之電舉事紫泥之
密勿腰青綬而容與沾後惠以竭來竟卒獲其
咲語我艤舟以命徒將泊徂於南夏旣勗予以
炯戒又引之以風雅若笙簧之在聽雖舒憂而
可假昔疢病於漳濱思繼歌而莫寫恩靈降之
未已奉京粉而作傳臨邦途之永陌懷予馬於
騏驁望平津而出宿登崇岡而興賦顧歸幃之
南迴引行鑣而東驅何瓌才之博侈申贈辭於

萱樹指代匠而切偲比治素而引喻方含毫而
報章迫紛埃之東驚釋末位以言歸忽乘驛以
南赴連篇章之莫訓欲寄言於往句類鍛翮之
難矯似洞源之不注意搔搔以杼軸魂營營而
馳驚爾腰戟於戎禁我拂劍於郎闈願同車以
日夜城望昏而掩扉時遊盤以未極睠落景之
徂輝苦清顏之倏忽恹歡賞之多違排重關而
休告知南館之有依驂職門以右轉僕望路其
如歸忘清漏之不緩惜曉露之方晞聞夫君之
東守地隱蓄而懷僊登金華以問道得石室之
名篇悟寰中之迫脅欲輕舉而舍旃離寵辱於
毀譽去天伐於腥膻忽攜手以上征躋中皇之
脩迥巾帝車之廣軾棹河舟之輕艇歷星街之
熠燿浮天潢之澒溟機九轉於玉漿練七明於
神鼎吹萬化而不喧度千春之可金齊天地於
倏忽安事人間之紆媿哉

獸獸采天黃之嬰冥對式轉於王禁縣之門於
 前庭巾帝車之黃輝幹而兼之輝輝也皇甫之
 選譽去天升於對朝以對手以上垂中皇之
 各為計察中之後齊必豐舉而舍誠期謂其於
 東守此則蓋而所對登金華以問道對以室之

思歸賦

有序

夫鑿之積也無厚而納窮神之照心之徑也有
 域而懷重淵之深余少而薄遊身缺防方思俄
 然萬里晚而自省諒非一塗

余菲薄以固陋受靈恩而不訾拖銀黃之沃若
 剖金符之陸離舟未濟而河廣途方遙而馬疲
 忽中寢而念厲魂申旦而九移昔受教於君子
 逢知己之隆盼被名立之羽儀沾宦成之藻絢
 羗服義而不怠豈臨岐而喻變勢方迅於轉圓

理好旋於奔電援弱葛而能升踐重岡而不眩
信禔福之非已寧悔禍其如見大明廓以高臨
吹萬忻而同悅跨神臯之沃衍奉英藩之睿哲
承比屋之隆化踵芳塵之餘烈懷齷齪之褊心
無夸毗之誕節竟伊鬱而不怡賴遐討於先哲
紛吾生之遊蕩彌一紀而歷茲自下車於江海
涉青春於是時睠崇岡而引領望大厦而長思
雖曲街之委陋猶寤寐而見之况神交而通夢
眇河漢於佳期爾乃眷言薄暮南眺悠然方整

歸轡願受一塵考華城之直陌相洛浦之迴阡
連飛夢於故友接閒館以懷僊臨南塲以執藿
寄北地而采蓮睇微英之霍霍望水葉之田田
乃翦山木不日爲功非輪非負去斲去礪夜索
綯而繞繞旦乘屋而芟芟竹櫺崎嶇而經北繩
開窈窕以臨東布茵蕭於踈檠織葵亂於迴櫳
于是籬插芳槿門拂長楊園桃春發窗竹夏涼
晨露晞而草馥微風起而樹香無芳菲以襲予
空旖旎於都房恒離居以歲月庸銷落而徒傷

我聞時命有殖無遷徵事或在求理未甄譬豐
草之區別隨霜露而夭延背萱鮮於堂北尚幽
幽而未捐苟外物以能惑亦在應而無騫况朝
霞之采可嚙瓊扉之飾方宣養以虛白之氣悟
以無生之篇豈加璧之贈可動執珪之位能纏
歸來薄暮聊以永年

遊後園賦

積芳兮選木幽蘭兮翠竹上蕪蕪兮蔭景下田
田兮被谷左蕙畹兮彌望右芝原兮寫日山霞
起而削成水積明以經復於是敞風闥之藹藹
聳雲館之迢迢周步檐以升降對玉堂之沈寥
追夏德之方暮望秋清之始飈藉宴私而遊衍
時寤語而逍遙爾乃日棲榆柳霞照夕陽孤蟬
已散去鳥成行惠氣湛兮帷殿肅清陰起兮池
館涼陳象設兮以玉填紛蘭籍兮咀桂漿仰微

塵兮美無度奉英軌兮式如璋藉高文兮清談
預含毫兮握芳則觀海兮爲富乃游聖兮知方

臨楚江賦

爰自山南薄暮江潭洺洺積水裊裊霜嵐憂與
憂兮竟無際客之行兮歲已嚴爾乃雲沉山岫
風動中川馳波鬱素駭浪浮天明沙宿莽石路
相懸於是霧隱行鴈霜眇虛林迢迢落景萬里
生陰冽攢笳兮極浦弭蘭鷁兮江濤奉玉罇之
未暮飡勝賞之芳音願希光兮秋月庶永照於
遺簪

林繖苑長霖
 對行風露
 望林岫
 景萬里
 風塵中川
 岵岵鬱素
 凝天開
 空窗
 可卻
 憂今竟無
 烈客之
 行今歲
 已
 雲
 山
 岫
 笑自山南
 蕪暮
 玉
 單
 前
 前
 前
 水
 裏
 裏
 露
 嵐
 憂
 興

朝雲山岫

七夕賦

奉護軍命作

金祗司矩火
 曜方流
 素鍾登御
 夷律鳴秋
 朱光
 既夕涼雲始浮
 盈多露之藹藹
 升明月之悠悠
 步廣階而延眺
 屬天媛之淹留
 嗟斯靈之淑景
 招好仇於服箱
 邁姮娥而擢質
 凌瑤華而擅芳
 厭白玉以為飾
 霏丹霞而為裳
 迴龍駕之容裔
 亂鳳筦之淒鏘
 騰燭光於西極
 命二妃於瀟湘
 軾帝車而捐玦
 凌天津而上翔
 悵漢渚之夕漲
 忻河廣之既梁
 臨瑤席而宴語
 綿含睇而蛾揚

嗟蘭夜之難永泣會促而怨長忌織阿之方駕
咨長庚之末光撫鳴琴而脩悅浩安歌而自傷
歌曰清絃愴兮桂觴酬雲幄靜兮香風浮龍鑣
蹠兮玉鑿整睠星河兮不可留分雙袂之一斷
何四氣之可周斯乃嚮像恍惚彷彿幽曖耳之
無聞目之無績故鐘鼓聞而延予隱白日沉而
季後對豈形氣之所求亦理將其如昧君王壯
思風飛冲情雲上顧楚詩而縱轡瞻蘭書而競
爽實研精之多暇聊餘日之駘蕩賦幽靈以去
惑排視聽而玄往晒陽雲於荆夢賦洛篇於陳
想乃澄心而閑邪庶綢繆於茲賞

謝宣城集 卷一
泉冽入山戶而松涼耿神玉於丘壑獨起遠於
孤觴斯則幽人之風也

高松賦

奉竟陵王敎作

閱品物於幽記訪叢育於祕經巡汜林之彌望
識斯松之最靈提於巖以羣茂臨於水而宗生
豈榆柳之比性指冥椿而等齡若夫脩榦垂蔭
喬柯飛穎望肅肅而旣閒卽微微而方靜懷風
陰而送聲當月露而留影旣芊眠於廣隰亦迢
遞於孤嶺集九僊之羽儀棲五鳳之光景固總
木之爲選貫山川而自永爾乃青春受謝雲物
含明江臯綠草曖然已平紛弱葉而凝照競新

藻而抽英陵翠山其如剪施懸蘿而其輕至於
星迴窮紀沙鴈相飛同雲決其無色陽光沉而
滅暉卷風飈之歛吸積霰雪之嚴霏豈彫貞於
歲暮不受令於霜威若乃體同器制質兼上才
夏書稱其岱畎周篇咏其狙徠乃屈已以弘用
構大壯於雲臺幸爲玩於君子留神心而顧懷
君王乃徙讌蘭室解佩明椒奉幽蘭於夕陰詠
聳榦於琴朝陵高丘以致思御風景而逍遙夷
黻冕之隆貴懷汾陽之寂寥邈道勝於千禩蘊
神理而自超夫江海之爲大實涓澮之所歸瞻
衡恒之峻極不讓壤於塵微嗟孤陋之無取幸
聞道於清徽理弱羽於九萬愧不能兮奮飛

覽茲榮之悅茂
發曜垂英緣春
天以四照支
行餘自

歲暮不復有... 夏書補其... 構大社於... 聞雀於... 衡山之... 脈理而自... 賦夫... 賦夫...

杜若賦 奉隋王教於坐獻

馮瑤圃而宣游臨水木而延佇柳含色於遠岸
泉鏡流於在渚蔭綠竹以淹留藉幽蘭而容與
覽茲榮之悅茂蓊為芳於清籟觀夫結根擢色
發曜垂英緣春巒以織布蔭涼潭而影清景奕
奕以四照枝靡靡而葉傾冒霜蹊以獨蒨當春
郊而逕平舉汀洲以企予懷石泉於幽情嗟中
巖之織草厠金芝之於芳叢夕舒榮於溽露旦發
彩於春風承羲陽之光景庶無悲於轉蓬

野鷺賦 有序

有門人斃一野鷺因以為獻予時命以登俎用
待賓客客有愛其羽毛請予為賦其詞曰
夫何羅人之伎巧薦江海之逸禽落摩天之迅
羽絕歸飛之好音碎文錦之丹臆裂雕綺之翠
襟孤雛驚以靡翼饑雌叫而莫尋越滄流以遠
致乃交貿以兼金因閤寺以傳請排邃戶以重
深貴敷衽以取愛願登俎以甘心

謝宣城集卷之二

齊陳郡謝朓玄暉著

明閩漳張燮紹和纂

樂府

齊雩祭歌八首

南齊書樂志曰建武二年雩祭明堂
謝朓造辭一依謝莊唯世祖四言也

迎神 八章

清明暢禮樂新候龍景練貞辰
陽律亢陰晷伏耗下土荐種稔

謝靈運集卷二
宸儀警王度乾嗟雲漢望昊天
張盛樂奏雲儻集五精延帝祖
雩有諷榮有秩管鬯芬圭瓚瑟
靈之來帝閣開車煜燿吹徘徊
停龍轍徧觀此凍雨飛祥雲靡
壇可臨奠可歆對昨社鑒皇心

世祖武帝
三章

濬哲維祖長發其武帝出自震重光御寓七德
攸宣九疇咸叙靜難荆衡凝威蠡浦

昧旦丕承夕惕刑政化一車書德馨粢盛昭星
夜景非雲曉慶衢室成陰璧水如鏡
禮充玉帛樂被匏絃於鑠在詠陟配於天自宮
徂兆靡愛牲牲我將我享永祚豐年

青帝
三章

營翼日鳥殷宵凝冰泮玄蟄昭
景陽陽風習習女夷歌東皇集
奠春酒秉青珪命田祖渥羣黎

赤帝
三章

惟此夏德德恢台兩龍在御炎精來
火景方中南譌秩靡草云菁含桃實
族雲翳鬱溫風扇興雨祁祁黍苗遍

黃帝 三章

稟火自高明毓金挺剛克涼燠資成化羣芳載
厚德

陽季勾萌達炎徂溽暑融商暮百工止歲極凌
陰冲

泉流疏已清原隰甸已平咸言祚惟億敷民保

齊京

白帝 三章

帝說于兌執矩固司藏百川收潦精景應金方
嘉樹離披榆關命賓鳥夜月如霜金風方嫋嫋
商陰肅殺萬寶咸已遒勞哉望歲場功冀可收

黑帝 三章

白日短玄夜深招搖轉移太陰霜鐘鳴冥陵起
星迴天月窮紀

聽嚴風來不息望玄雲黝無色曾冰烈積羽幽

飛雪至天山側

關梁閉方不巡合國吹饗蜡賓統微陽究終始

百禮洽萬祚臻

送神 五章

敬如在禮將周神之駕不少留

躍龍鑊轉金蓋紛上馳雲之外

警七曜詔八神排闥闔渡天津

有滄輿膚寸積雨冥冥又終夕

俾棲糧維萬箱皇情暢景命昌

隋王鼓吹曲十首

以十
五言

齊永明八年謝朓奉鎮西隋王教於荊州道中作鈞天以上三曲頌帝功校獵

以上三曲頌藩德

元會曲

二儀啓昌曆三陽應慶期珪贄紛成序鞮譯憬

來思分階絕組練充庭羅翠旗觴流白日下吹

溢景雲滋天儀穆藻殿萬寓壽皇基

郊祀曲

六宗禋配岳五時奠甘泉整蹕遊九闕清簫開

謝宣公集 卷二 四
八挺鏘鏘玉鑿動溶溶金障旋郊宮光已屬升
柴禮既虔福響靈之集南岳固斯年

鈞天曲

高宴顙天臺置酒迎風觀笙鏞禮百神鍾石動
雲漢瑤堂琴瑟驚綺席舞衣散威鳳來參差玄
鶴起凌亂已慶明庭樂詎慙南風彈

入朝曲

江南佳麗地金陵帝王州逶迤帶綠水迢遞起
朱樓飛甍夾馳道垂楊蔭御溝凝笳翼高蓋疊

鼓送華輶獻納雲臺表功名良可收

出藩曲

雲枝紫微內分組承明阿飛艤遡極浦旌節去
關河眇眇蒼山色沉沉寒水波饒音巴渝曲簫
鼓盛唐歌夫君邁惟德江漢仰清和

校獵曲

凝霜冬十月殺威涼飈哀原澤曠千里騰騎紛
往來平且望煙合烈火從風迴遑獸華容浦張
樂荆山臺虞人昔有諭明明時戒哉

從戎曲

選旅辭轅軒弭節赴河源
日起霜戈照風迴連
騎翻紅塵朝夜合黃沙
萬里昏寥戾清笳轉蕭
條邊馬煩自勉輟耕願
征役去何言

送遠曲

北梁辭歡宴南浦送佳人
方衢控龍馬平路騁
朱輪瓊筵妙舞絕桂席
羽觴陳白雲丘陵遠山
川時未因一爲清吹激
潺湲傷別巾

登山曲

天明開秀嶽瀾光媚碧堤
風盪飄鶯亂雲行芳
樹低暮春春服美遊駕
凌丹梯升嶠旣小魯登
巒且悵齊王孫尚遊衍
蕙草正萋萋

泛水曲

玉露霑翠葉金風鳴素枝
罷遊平樂苑泛鷁昆
明池旌旗散容裔簫管
吹參差日晚厭遵渚採
菱贈清漪百年如流水
寸心寧共知

江上曲

易陽春草出脚躡日已暮
蓮葉尚田田淇水不

可渡願子淹桂舟時同千里路千里既相許桂
舟復容與江上可採菱清歌共南楚

蒲生行

蒲生廣湖邊託身洪波側春露惠我澤秋霜縛
我色根葉從風浪常恐不永植攝生各有命豈
云智與力安得遊雲上與爾同羽翼

詠邯鄲才人嫁爲廝養卒婦

生平官閣裡出入侍丹墀開筍方羅縠窺鏡比
蛾眉初別意未解去久日生悲憔悴不自識嬌

羞餘故姿夢中忽彷彿猶言承燕私

鼓吹曲二首同沈右率諸公賦

芳樹

早翫華池陰復影

一作鼓

滄洲柅椅杞芳若斯歲

蕤紛可結霜下桂枝銷怨與飛蓬折不厠玉盤
滋誰憐終委絕

臨高臺

千里常思歸登臺臨綺翼纔見孤鳥還未辨連
山極四面動清風朝夜起寒色誰知倦遊者嗟

此故鄉憶

沈約芳樹附

發萼九華隈
開跼寒露側
氤氳非一香
參差多異色
宿昔寒飈舉
摧殘不可識
霜雪交橫至
對之長歎息

又臨高臺附

高臺不可望
望遠使人愁
連山無斷絕
河水復悠悠
所思竟何在
洛陽南陌頭
可望不可見
何用解人憂

王融巫山高附

想像巫山高
薄暮陽臺曲
煙霞乍舒卷
蘅芳自斷續
彼美如可期
寤言紛在矚
憮然坐相思
秋風下庭綠

又芳樹附

相望早春日
煙華雜如霧
復此佳麗人
含情結芳樹
綺羅已自憐
暄風多有趣
去來徘徊者
佳人不可遇

劉繪巫山高附

高唐與巫山參差鬱相望。灼爍在雲間，氛氳
出霞上。散雨收夕臺，行雲卷晨幃。出沒不易
期，嬋娟以惆悵。

又有所思附

別離安可再，而我更重之。佳人不相見，明月
空在幃。其御蒲堂酌，獨斂向隅眉。中心亂如
雪，寧知有所思。

范雲巫山高附

巫山高不極，白雲隱光輝。靄靄朝雲去，溟溟
暮雨歸。巖懸獸無跡，林暗鳥疑飛。枕席竟誰
薦，相望空依依。

又有所思附

如何有所思，而無相見時。宿昔夢顏色，階庭
尋履綦。高張更何已，引滿終自持。欲知憂能
老，爲視鏡中絲。

又當對酒附

對酒心自足，故人來共持。方悅羅衿解，誰念
髮成絲。狗性良爲達，求名本自欺。追君當歌

日及我傾樽時

同賦雜曲名

時為宣城守檀
秀才諸君同賦

秋竹曲

嫵娟綺窓北。結根未參差。從風旣裊裊。映日頗
離離。欲求棗下吹。別有江南枝。但能凌白雪。貞
心蔭曲池。

檀秀才陽春曲附

青雲獻初歲。白日映雕梁。蘭萌猶自短。柳葉
未能長。已見花紅發。復聞花藥香。樂此試遊

衍。誰知心獨傷。

江朝請綠水曲附

塘上蒲欲齊。汀洲杜將歇。春心旣易蕩。春流
豈難越。桂棹及晚風。菱影映初月。芳香若可
贈。為君步羅襪。

陶功曹採菱曲附

朝日映蘭澤。乘風入桂嶼。棹影已流倡。輕舟
復容與。勿遽佳期移。方追明月侶。採採詎盈
掬。還望空延佇。

謝靈運集 卷三
朱孝廉白雪曲附

凝雲沒霄漢從風飛且散
聯翩下幽谷徘徊依井幹
既興楚客謠亦動周王歎
所恨輕寒早不待陽春日

曲池之水

緩步遵莓渚披衿待蕙風
芙蓉舞輕帶苞筍出芳叢
浮雲自西北江海思無窮
鳥去能傳響見我綠琴中

銅爵臺同謝諮議賦

總帷飄并幹樽酒若平生
鬱鬱西陵樹詎聞歌吹聲
芳襟染淚迹嬋娟空復情
玉座猶寂寞况乃妾身輕

永明樂十首

南齊書樂志曰永明樂歌者竟陵王子良與諸文士造奏之人爲十曲

帝圖開九有皇風浮四溟
永明一爲樂咸池無復靈

民和禮樂富世清歌頌徽鴻
名軼卷領稱首邁垂衣

謝宣城集 卷三
朱臺鬱相望青槐分馳道秋雲湛甘露春風散
芝草

龍樓日月照淄館風雲清儲光溫似玉藩度式
如瓊

化洽鯤海君恩變龍庭長西北驚環表東南盡
龜象

出車長洲苑選旅朝夕川絡絡結雲騎奕奕泛
戈船

燕駟遊京洛趙服麗有輝清歌留上客妙舞送
將歸

實相薄五禮妙花開六塵明祥已玉燭寶瑞亦
金輪

生茂苜蘿性身與佳惠隆飛纓入華殿屣步出
重宮

彩鳳鳴朝陽玄鶴舞清商瑞此永明曲千載爲
金皇

有所思同王主簿賦

佳期期未歸望望下鳴機徘徊東陌上月出行

人稀。

銅雀悲

落日高城上，餘光入總帷。寂寂深松晚，寧知琴瑟悲。

玉階怨

夕殿下珠簾，流螢飛復息。長夜縫羅衣，思君此何極。

金谷聚

渠碗送佳人，玉杯邀王臺上客。車馬一東西，別

後思今夕

王孫遊

綠草蔓如絲，雜樹紅英發。無論君不歸，君歸芳已歇。

白相

絲管莫收絲棘樹孫英終年歸長一不歸年歸矣

王紆鼓

發思今

謝宣城集卷之三

齊陳郡謝朓玄暉著

明閩漳張燮紹和纂

詩

侍宴華光殿曲水奉勅為皇太子作 四言九章

旁求邃古逃聽鴻名大寶曰位得一為貞朱梯

叶祉綠字摘英升配同貫進讓殊聲

大橫將屬會昌已命國步中徂宸居膺慶璽劍

先傳龜玉增映宗堯有緒復禹無競

禮行郊社人神受職寶效山川鱗羽變色玄塞
北靡丹徼南極浮毳駕風飛泳登陟

能官民秀利建天跗枵鶉列野營絳分區論思
帝則獻納宸樞麟趾方定鷦翼誰濡

西京藹藹東都濟濟秋祓濯流春禊浮醴初吉
云獻上除方啓昔駕陽穎今帳雲陛

嘉樂舊矣芳宴在斯載留神矚有睟天儀龍精
已映威仰未移葉依黃鳥花落春池

殿弘敞禁林稠密青磴崛起丹樓間出翠葆
隨風金戈動日惆悵清管徘徊輕佻

灞澹入筵河淇流阡海若來往觴肴泔泝歡飫
有終清光欲暮輕貂回首華組徐步

登賢博望獻賦清漳漢貳稱敏魏兩垂芳監撫
有則七鬯無方瞻言守器永愧元良

三日侍華光殿曲水宴代人應詔

十章

羣分未辨類聚茲式天睠休明且求至德御繁
實簡制動惟默官府百王衣裳萬國

中葉遭閔副內多違悠悠靈貺爰有適歸於昭

膚后撫運天飛凝居中縣神動外畿

懸象著明離光乃位我有儲德徼猷淵備長壽
察書龍樓迴轡重道上庠行遵儒肆

朝陽有幹布葉萋萋思皇威矣鸛羽高棲出馳
先輅入秉介珪瞻秦望井建魯分奎

求賢每勞得士方逸有覺斯順無文咸秩萬箱
惟重百鍤載卹屈草戒諛階奠紀日

文教已肅武節旣馳榮光可照合璧如規載懷
姑射尚想瑤池濯龍乃飾天淵在斯

作樂順動實符時義上春初吉亦留淵寄紅樹
巖舒青莎水被雕梁虹拖雲薨鳥鼓

高懸甲帳周褰黼帷長筵列陛激水旋墀浮醪
聚蟻靈蔡呈姿河宗躍踢海介夔跣

弱腕纖腰遷延妙舞秦箏趙瑟殷勤促柱降席
連綏稱觴接武稽首萬年獻茲多祐

天地旣成泉流旣清薄暮沾幸屬奉文明將標
齊配刻掃秦京願馳龍漠飲馬懸旌

三日侍宴曲水代人應詔

九章

神理內寂機象外融遺情汾水垂冕鴻官樹以
司牧匪我求蒙徒勤日用誰契玄功

往晦必明來碩資蹇於皇克聖時乘御辯寶曆
載暉瑤光重踐昭昭舊物熙熙遷善

當宁日昃求衣未明抵璧焚翠銷劍隳城九疇
式序三辟載清虞箴罔闕矇奏傳聲

麗景則春儀方在震重聖積厚金式瓊潤天爵
必諧王臣咸蓋譬諸華霍惟邦之鎮

正朔葱瀚冠冕叩越爭長明堂相超魏闕龜蒙
南薦環裘西發巢閣易窺馴庭難狨

上巳惟昔于彼禊流板穢河澣張樂春疇旣停
龍駕亦泛鳧舟靈宮備矣無待茲遊

初鸞命曉朝霞開夜飾陞道源迴伊流灞極望
天淵曲阻亭榭閒館巖敞長廊水架

金觴搖蕩玉俎推移筵浮水豹席擾雲嶠寥亮
琴瑟嗷咷埴篔歡茲廣讌穆穆天儀

周道如砥康衢載直徒愧玄黃負恩無力華輶
徒駕長纓未飾相彼失晨寧忘鼓翼

遊山

以下
五言

託養因支離乘閒遂疲蹇語默良未尋得喪云
誰辯幸蒞山水都復值清冬緬凌厓必千仞尋
壑將萬轉堅嶠旣峻嶒迴流復宛澶杳杳雲竇
深淵淵石溜淺傍眺鬱篔簹還望森柗榭荒隩
被葳蕤崩壁帶苔蘚鼯狖叫層巖鷗鳧戲沙衍
觸賞聊自觀卽趣咸已展經目惜所遇前路欣
方踐無言蕙草歇留垣芳可舉尚子時未歸邴
生思自免永志昔所欽勝迹今能選寄言賞心
客得性良爲善

遊敬亭山

茲山亘百里合沓與雲齊隱淪旣已託靈異居
然棲上千蔽白日下屬帶迴谿交藤荒且蔓樛
枝聳復低獨鶴方朝唳飢鼯此夜啼滌雲已漫
漫夕雨亦淒淒我行雖紆組兼得尋幽蹊緣源
殊未極歸徑宵如迷要欲追奇趣卽此凌丹梯
皇恩竟已矣茲理庶無睽

將遊湘水尋句溪

既從陵陽釣挂鱗
駿赤螭方尋桂水
源謁帝蒼山垂辰
哉且志會乘景弄
清漪瑟汨瀉長淀
潺湲赴兩岐輕蘋
上靡靡襍石下離
離寒草分花映戲
鮪乘空移興以暮
秋月清霜落素枝
魚鳥余方翫纓綏
君自縻及茲暢懷
抱山川長若斯

遊東田

戚戚苦無棕攜手
共行樂尋雲陟累
樹隨山望菌閣遠
樹曖阡阡生煙紛
漠漠魚戲新荷動
鳥散餘花落不對
芳春酒還望青山
郭

答王世子

飛雪天山來飄聚
繩樞外蒼雲暗九
重北風吹萬籟有
酒招親朋思與清
顏會熊席惟爾安
羔裘豈吾帶公子
不垂堂誰肯憐蕭
艾

答張齊興

荆山從百里漢廣
流無極北馳星斗
正南望朝雲色川
隰同幽快冠冕異
今昔子肅兩岐功
我滯三冬職誰知
京洛念彷彿昆山
側向夕登城濠潛
池隱復直地迥聞
遙蟬天長望歸翼
清文

忽景麗思泉紛寶飾勿言脩路阻勉子康衢力
曾厓寂且寥歸軫逝言陟

暫使下都夜發新林至京邑贈西府同僚
大江流日夜客心悲未央徒念關山近終知返
路長秋河曙耿耿寒渚夜蒼蒼引領見京室宮
雉正相望金波麗鳩鵲玉繩低建章驅車鼎門
外思見昭丘陽馳暉不可接何況隔兩鄉風雲
有鳥路江漢限無梁常恐鷹隼擊時菊委嚴霜
寄言罽羅者寥廓已高翔

酬王晉安德元

稍稍枝早勁塗塗露晚晞南中榮橘柚寧知鴻
鴈飛拂霧朝青閣日盱坐彤闈悵望一途阻參
差百慮依春草秋更綠公子未西歸誰能久京
洛緇塵染素衣

郡內高齋閒望答呂法曹

結構何迢遞曠望極高深牕中列遠岫庭際俯
喬林日出衆鳥散山暝孤猿吟已有池上酌復
此風中琴非君美無度孰爲勞寸心惠而能好

我問以瑤華音若遺金門步見就玉山岑

在郡臥病呈沈尚書

淮陽股肱守高臥猶在茲况復南山曲何異幽
棲時連陰威農節臺笠聚東菑高閣常晝掩荒
堦少諍辭珍簟清夏室輕扇動涼颼嘉魴聊可
薦綠蟻方獨持夏李沈朱實秋藕折輕絲良辰
竟何許夙昔夢佳期坐嘯徒可積爲邦歲已暮
弦歌終莫取撫枕令自嗤

沈約答謝宣城附

玉喬飛鳧鷁東方金馬門從宦非宦侶避世
作避喧襍余發皇覽短翮屢飛翻晨趨朝建
禮晚沐臥郊園賓至下塵榻憂來命綠樽昔
賢侔時雨今守馥蘭蓀神交疲夢寐路遠隔
思存牽拙謬東汜浮情反西崑顧循良菲薄
何以儷璵璠將隨渤澥去刷羽泛清源

別王丞僧孺

首夏實清和餘春滿郊甸花樹雜爲錦月池皎
如練如何當此時別離言與宴留襪已鬱紆行

舟亦遙衍非君不見思所悲思不見

同羈夜集

積念隔炎涼驪言始今夕已對濁尊酒復此故
鄉客霜月始流砌寒蛸早吟隙幸藉京華遊邊
城讌良席樵采咸共同荆莎聊可藉恐君城闕
人安能久松柏

新亭渚別范零陵雲

洞庭張樂地瀟湘帝子遊雲去蒼梧野水還江
漢流停驂我悵望輟棹子夷猶廣平聽方籍茂
陵將見求心事俱已矣江上徒離憂

忝役湘州與宣城吏民別

弱齡倦簪履薄晚忝華輿閒沃盡地區山泉諧
所好幸遇昌化穆淳俗罕驚暴四時從偃息三
省無侵冒下車遽暄席紆服始黔竈榮辱未遑
敷德禮何由導汨徂奉南岳兼秩典邦號疲馬
方云驅鉛刀安可操遺惠良寂寞恩靈亦匪報
桂水日悠悠結言幸相勞吐納貽爾和窮通勗
所蹈

懷故人

芳洲有杜若可以贈佳期望望忽超遠何由見
所思行行未千里山川已間之離居方歲月故
人不在茲清風動簾夜孤月照牕時安得同攜
手酌酒賦新詩

始之宣城郡

下帷闕章句高談媿名理踈散謝公卿蕭條依
椽史簪髮逢嘉惠教義承君子心迹苦未弁憂
歡將十祀幸沾雲雨慶方轡參多士振鷺徒追
飛羣龍難隸齒烹鮮止貪兢共治屬廉恥伊余
昧損益何用祇千里解劍北宮朝息駕南川涘
寧希廣平詠聊慕華陰市棄置宛洛遊多謝金
門裏招招漾輕楫行行趨巖趾江海雖未從山
林於此始

之宣城郡出新林浦向板橋

江路西南永歸流東北驚天際識歸舟雲中辨
江樹旅思倦搖搖孤遊昔已屢旣歡懷祿情復
協滄洲趣囂塵自茲隔賞心於此遇雖無玄豹

姿終隱南山霧

休沐重還丹陽道中

薄遊第從告思閒願罷歸還卽歌賦似休汝車
騎非灞池不可別伊川難重違汀葭稍靡靡江
茨復依依田鵠遠相叫沙鶻忽爭飛雲端楚山
見林表吳岫微試與征徒望鄉淚盡沾衣賴此
盈樽酌含景望芳華問我勞何事霑沐仰清徽
志狹輕軒冕恩甚戀闈闈歲華春有酒初服偃
郊扉

京路夜發

擾擾整夜裝蕭蕭戒徂兩曉星正寥落晨光復
瀼瀼猶沾餘露團稍見朝霞上故鄉邈已夏山
川脩且廣文奏方盈前懷人去心賞敕躬每蹢
躅瞻恩惟震蕩行矣倦路長無由稅歸鞅

晚登三山還望京邑

灞浹望長安河陽視京縣白日麗飛甍參差皆
可見餘霞散成綺澄江靜如練喧鳥覆春洲雜
英蒲芳甸去矣方滯淫懷哉罷歡宴佳期悵何

許淚下如流霰有情知望鄉誰能鬢不變

始出尚書省

惟昔逢休明十載朝雲陛既通金閨籍復酌瓊
筵醴宸景厭昭臨昏風淪繼體紛虹亂朝日濁
河穢清濟防口猶寬政餐茶更如薺英衮暢人
謀文明固天啓青精翼紫軼黃旗映朱邸還覩
司隸章復見東都禮中區咸已泰輕生諒昭洒
洗音趨事辭官闕載筆陪旌祭邑里向踈蕪寒流
自清泚衰柳尚沈沈凝露方泥泥零落悲友朋
歡娛燕兄弟既秉丹石心寧流素絲涕因此得
蕭散垂竿深澗底

直中書省

紫殿蕭陰陰彤庭赫弘敞風動萬年枝日華承
露掌玲瓏結綺錢深沉映朱網紅藥當階翻蒼
苔依砌上茲言翔鳳池鳴佩多清響信矣非吾
室中園思偃仰朋情以鬱陶春物方駘蕩安得
凌風翰聊恣山泉賞

觀朝雨

朔風吹飛雨蕭條江上來旣灑百常觀復集九
成臺空濛如薄霧散漫似輕埃平明振衣坐重
門猶未開耳目暫無擾懷古信悠哉戢翼希驥
首乘流畏曝鰓動息無兼遂岐路多徘徊方同
戰勝者去剪北山萊

宣城郡內登望

借問下車日匪直望舒圓寒城一以眺平楚正
蒼然山積陵陽阻溪流春穀泉威紆距遙甸巉
岬帶遠天切切陰風暮桑柘起寒煙悵望心已
極恟怳魂屢遷結髮倦爲旅平生早事邊誰規
鼎食盛寧要狐白鮮方棄汝南諾言稅遼東田

冬日晚郡事隙

案牘時閒暇偶坐觀卉木颯颯蒲池荷條條蔭
牕竹簷隙自周流房櫳閒且肅蒼翠望寒山崢
嶸瞰平陸已惕慕歸心復傷千里日風霜旦夕
甚蕙草無芬馥云誰美笙簧孰是厭邁軸願言
稅逸駕臨潭餌秋菊

高齋視事

謝宣城集 卷三
餘雪映青山寒霧開白日曖曖江村見離離海
樹出披衣就清盥憑軒方秉筆列俎歸單味連
駕止容膝空爲大國憂紛詭諒非一安得掃荒
逕鎖吾愁與疾

冬緒羈懷示蕭諮議虞田曹劉江二常侍
去國懷丘園入遠滯城闕寒燈耿宵夢清鏡悲
曉髮風草不留霜冰池共如月寂寞此閒帷琴
尊任所對客念坐蟬媛年華稍菴夢夙慕雲澤
遊共奉荆臺績一聽春鶯喧再視秋虹沒疲驂
良易返恩波不可越誰慕臨淄鼎常希茂陵渴
依隱幸自從求心果蕪昧方軫歸與願故山芝
未歇

落日悵望

昧旦多紛喧日晏未遑舍落日餘清陰高枕東
牕下寒槐漸如束秋菊行當把借問此何時涼
風懷朔馬已傷歸慕容復思離屠者情嗜幸非
多案牘偏爲寡旣乏瑯琊政方愁洛陽社

賽敬亭山廟喜雨

夕悵懷椒糝蠲景潔管薌登秋雖未獻望歲佇
 年祥潭淵深可厲狹邪車未方朦朧度絕限出
 沒見林堂秉玉朝羣帝樽桂迤東皇排雲接虬
 蓋蔽日下霓裳會舞紛瑤席安歌遶鳳梁百味
 芬綺帳四座沾羽觴福被延民澤樂極思故鄉
 登山騁歸望原雨晦茫茫胡壺昧千里解珮拂
 山莊

賦貧民田

假遇

一作佳譽

非將迎靖共

一作靜拱

延殊慶中歲歷三

臺旬月典邦政曾是其治情敢忘郵貧病將無
 富教禮孰有知方性敦本抑工商均業省兼併
 察壤見泉脈覘星視農正黍稷緣高殖稱稌卽
 卑盛舊埒新塍分青苗白水映遙樹匝清陰連
 山周遠淨卽此風雲佳孤觴聊可命旣微三載
 道庶藉兩岐詠俾爾倉廩實余從谷口鄭

移病還園示親屬

疲策倦人世歛性就幽蓬停琴佇涼月滅燭聽
 歸鴻涼薰乘暮晰秋華臨夜空葉低知露密崖

斷識雲重折荷葺寒袂開鏡眇衰容海暮騰清
氣河關祕棲冲煙衡時未歇芝蘭去相從

治宅

結宇夕陰街荒幽橫九曲迢遞南川陽迤邐西
山足闢館臨秋風敞牕望寒旭風碎池中荷霜
翦江南棗旣無東都金且稅東臯粟

秋夜講解

四緣去誰肇七識習未央沈沈倒管魄苦蔭感
愁腸琴瑟徒爛熳姱容空滿堂春顏遽幾日秋
壘終茫茫孰云濟沈溺假願託津梁惠唱摘泉
湧妙演發金相空有定無執賓實固相忘自來
乘首夏及此申暮霜雲物清晨景衣巾引夕涼
風振蕉蓬裂露下梧楸傷六龍且無借三相寧
久長何時接靈應及子同舟航

春思

茹谿發春水毗山起朝日蘭色望已同萍際轉
如一巢燕聲上下黃鳥弄儔匹邊郊阻遊衍故
人盈契濶夢寐借假簧思歸賴倚瑟幽念漸鬱

陶山楹永爲室

秋夜

秋夜促織鳴南隣搗衣意思君隔九重夜夜空
佇立北窗輕幔垂西戶月光入何知白露下坐
視階前濕誰能長分居秋盡冬復及

謝宣城集卷之四

齊陳郡謝朓玄暉著

明閩漳張燮紹和纂

詩

和何議曹郊遊二首

春心澹容與挾弋步中林朝光映紅萼微風吹
好音江垂得清賞山際果幽尋未嘗遠離別知
此愜歸心流沂終靡已嗟行方至今
江臯倦遊客薄暮懷歸者揚舲浮大川惆悵至

謝宣公集 卷四
日下霾靡青莎被潺湲石溜瀉寄語持笙篴舒
憂願自假歸途豈難涉翻同江上夏

和劉西曹望海臺

滄波不可望望極與天平往往孤山映處處春
雲生差池遠鴈沒颯沓羣鳧驚囂塵及簿領棄
捨出重城臨川徒可美結網庶時營

和宋記室省中

落日飛鳥遠憂來不可極竹樹澄遠陰雲霞成
異色懷歸欲乘電瞻言思解翼清揚婉禁居秘
直文墨職無歎阻琴樽相從伊水側

和王著作作融八公賦

二別阻漢坻雙嶠望河澳茲嶺復嶢岼分區奠
淮服東限瑯琊臺西距孟諸陸阡眠起雜樹檀
欒蔭脩竹日隱澗疑空雲聚岫如複出沒眺樓
雉遠近送春日戎州昔亂華素景淪伊穀帖危
賴宗袞微管寄明牧長蛇固能剪奔鯨自此曝
道峻芳塵流紫遙年運倏平生仰令圖吁嗟命
不淑浩蕩別親知連翩戒征軸再遠館娃宮兩

去河陽谷風煙四時犯霜雨朝夜沐春秀良已
凋秋塲庶能築

和伏武昌登孫權故城

伏曼容爲
武昌太守

炎靈遺劍璽當塗駭龍戰聖期缺中壤霸功興
寓縣鵠起登吳山鳳翎凌楚甸衿帶窮巖險帷
帟盡謀選北拒溺驂鑣西龕收組練江海旣無
波俯仰流英眇裘冕類禋郊卜揆崇離殿釣臺
臨講閱樊山開廣讌文物共歲筵聲明且葱蒨
三光厭分景書軌欲同薦參差世祀忽寂寞而

朝變舞館識餘基歌梁想遺囀故林衰木平荒
池秋草徧雄圖悵若茲茂宰深遐眺幽客滯江
臯從賞乖纓弁清卮阻獻酬良書限聞見幸藉
芳音多承風采餘絢于役倘有期鄂渚同遊衍

夏始和劉潺陵

威仰弛蒼郊龍曜表皇隰春色卷遙甸炎光麗
近邑白蘋望已騁緗荷紛可襲徒願尺波旋終
憐寸景戢對窗斜日過洞幌鮮飈入浮雲去欲
窮暮鳥飛相及柔翰縝芳塵清源非易揖迴江

難絕濟云誰暢佇立良宰勗夜漁出入事朝汲
積羽余旣裳更賦子盈粒椅梧何必零歸來共
棲集

新治北窻和何從事

國少暇日多民淳紛務屏闢牖期清曠開簾候
風景泱泱日照溪團團雲去嶺岩堯蘭撩峻駢
闐石路整池北樹如浮竹外山猶影自來彌弦
望及君臨箕頽清文蔚且詠微言超已領不見
城濠側思君朝夕頃迴舟方在辰何以慰延頸

和王主簿李哲怨情

掖庭聘絕國長門失歡宴相逢詠薜蘿辭寵悲
團扇花叢亂數蝶風簾入雙燕徒使春帶賒坐
惜紅粧變生平一顧重宿昔千金賤故人心尚
爾故心人不見

和徐都曹出新亭渚

宛洛佳遨遊春色滿皇州結軫青郊路迴瞰蒼
江流日華川上動風光草際浮桃李成蹊徑桑
榆蔭道周東都已俶載言歸望綠疇



原件短缺

徐勉昧旦出新亭渚附

驅車凌早術山華映初日纜轡且徘徊復值
清江謐杳靄楓樹林參差黃鳥匹氣物宛如
斯重以心期逸春堤一遊衍終朝意殊悉

和劉中書

昔余侍君子歷此遊荆漢山川隔舊賞朋僚多
雨散圖南矯風翮曾非息短翰移疾覲新篇披
衣起淵翫惆悵懷昔踐彷彿得殊觀頽紫共彬
駮雲錦相凌亂奔星上未窮驚雷下將半迴潮

九河亘積岨三巖鬱旁眺皇州總地德回江欵
巖傲井幹絕蒼林雲薨蔽層嶠川霞旦上薄山
光晚餘照翔集亂歸飛虹蜺紛引曜君子奉神
略瞰迴憑重峭彈冠已籍甚升車益英妙功存
漢冊書榮並周庭燎汲疾移偃息董園倚談笑
麾旆一悠悠謙姿光且劭讌嘉多暇日興文起
淵調曰余廁鱗羽滅景從漁釣澤渥資投分逢
迎典待詔詠沼邈含毫專城窄坐嘯徒慚皇鑒
揆終延曲士諂方追隱淪孰偶解金丹要若偶

巫咸招帝閭良可料

梁武帝直石頭陔

率土皆王土安知全高尚東壟棄黍稷西遊
入卿相屬逢利建始投分參末將尺一功未
施河山賞已諒攝官因時暇曳裾聊起望鬱
盤地勢遠參差百雉壯翠壁絳霄際丹樓青
霞上夕池出濠渚朝雲生疊嶂籠鳥易爲恩
屠羊無飾讓泰階端且平海水本無浪小臣
何日歸頓轡從閒放

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂
淵道善誘宗學原鳴鐘霽幽抱仁焉徂宛洛清
徽夜何早歲晚結松陰平原亂秋草不有至言
揚終滯西山老

竟陵王同沈右率過劉先生墓附

沛國劉子珪學優未仕跡邇心遐履信體仁
古之遺德潛舟迅景滅賞淪輝言念芳猷式
懷嗟述屬舍第隨郡有示來篇彌縝久要之

謝宣城集 卷四 七
情益深宿草之嘆升望西山率爾爲答雖因
事雷生實申悲劉子云爾

漢陵淹館蕪晉彌洙風缺五都聲論空三河
文義絕興禮邁前英談玄踰往哲明情日夜
深徽音歲時滅垣井總已平煙雲從容裔爾
歎牛山悲我悼驚川逝

隨郡王經劉先生墓附

升堂子不謬問道余未窮如何辭白日千載
隔音通山門一已絕長夜緬難終初松切暮

鳥新楊摧曉風榛關向蕪密泉途轉銷空

沈約和詩附

表間欽逸軌軾墓禮貞魂化途終眇默神理
暖猶存塵駕未輟幌高衡已委門日蕪子雲
舍徒望董生園華陰無遺市楚席有靈樽玄
泉倘能慰長夜且勿論

柳惲和詩附

西河寂高業北海望清塵曾徽誰與寄尚德
在伊人遺文重昭晰絕緒復紛綸露華白朝

日蘭生無久春芳猷動淵思撫軾履高辰山
風起寒木野雀亂秋榛壟草時易宿素軌邈
難遵

虞炎和詩附

下帷聞昔儒窺園信且逸聚學叢煙郊棲遁
事環華戢景謝歸年稅駕空悠日庭露已沾
衣松門向蕭瑟憫憫神念周依依惠言密

和王長史卧病

岬岫欵崇崖派別朝洪河兎園文雅盛章臺冠
蓋多淵襟眷睿岳爨贊動昨歌顧影慚駢服載
筆旅江沱縞衣分可獻琴言暖已和青臯向還
色春潤視生波巖垂變好鳥松上改陳蘿日與
歲眇邈歸恨積一作稍蹉跎願緝吳山杜窻袂楚
池荷清風豈孤劬功遂懷曾阿勿藥良有暢荏
苒芳未過幸留清樽味言藉故田莎

王秀之卧病叙意附

貞悔不少期福極固難豫疾藥雖一途遂以
千百慮景及念徂齡帶緩每危曙循躬既已

詩集卷四
九
茲况復歲將暮層冰日夜多飛雲密如霧歸
鴻互斷絕宿鳥莫能去輟我丘中琴良由一
嗟故隱淪迹有違宰官功未樹何用攬余情
恨恨此故路豈言勞者歌且曰幽人賦

和江丞北戍琅邪城

春城麗白日阿閣跨層樓蒼江忽渺渺驅馬復
悠悠京洛多塵霧淮濟未安流豈不思撫劍惜
哉無輕舟夫君良自勉歲暮勿淹留

江孝嗣北戍瑯邪城詩附

驅馬一連翩日下情不息芳樹似佳人惆悵
余何極薄暮苦羈愁終朝傷旅食丈夫許人
世安得顧心憶按劍勿復言誰能耕與織

和沈祭酒行園

清淮左長薄荒徑隱高蓬回潮旦夕上寒渠左
右通霜畦紛綺錯秋町鬱蒙茸環梨懸已紫珠
榴折且紅君有棲心地伊我歡旣同何用甘泉
側玉樹望青葱

沈約行園附

寒底方卧壟秋菘亦蒲陂紫茄紛爛熳綠芋
鬱參差初菘向堪把時韭日離離高梨有繁
實何減萬年枝荒渠集野鴈安用昆明池

奉和隨王殿下十六首

高秋夜方靜神居肅且深閒階塗廣露涼宇澄
月陰嬋娟影池竹踈蕪散風林淵情協爽節詠
言興德音闇道空已積干直愧蓬心

星回夜未艾洞房凝遠情雲陰滿池榭中月懸
高城喬木含風霧行鴈飛且鳴平臺盛文雅西
園富羣英芳慶良永矣君王嗣德聲眷此伊洛
詠載懷汾水情顧已非麗則恭惠奉仁明觀淄
詠已失撫然愧簪纓

神心遺魏闕中想顧汾陽肅景懷辰豫捐玦翦
山楊時惟清夏始雲景曖含芳月陰洞野色日
華麗池光草含亭阜遠霞生川路長端坐聞鶴
引靜瑟愴復傷懷哉泉石思歌詠鬱瓊相春塘
多迭駕言從伊與商袞職眷英覽獨善伊何忘
願輟東都遠弘道侍云梁

詩
卷四
十一
睿心重離析岐路清江隈四面寒飈舉千里白
雲來川長別管思地迥翻旗回還顧昭陽闕超
遠章華臺置酒巫山日爲君停玉杯

桂樓飛絕限超遠向江岐輕雲霽廣甸微風散
清漪連連絕鴈舉渺渺青煙移嚴城亂芸草霜
塘凋素枝氣爽深遙矚豫永聊停曦卽已終可
悅盈尊且若斯

念深冲照廣業闡清化玄端儀穆金殿敷教藻
瓊筵船湛輕帷靄磬轉芳風旋卷轡棲道樹方
津棹法舩歸興憑大造昭塗良易筌

玄冬寂脩夜天圍靜且開亭臯霜氣愴松宇清
風來高琴時以思幽人多感懷幸藉汾陽想嶺
首正徘徊

愴愴緒風興祁祁族雲布嚴氣集高軒稠陰結
寒樹日月謬論思朝夕承清豫徒藉小山文空
揖章臺賦

肅景遊清都脩簪侍蘭室累榭踈遠風廣庭麗
朝日穆穆神儀靜悒悒道言密一殮繫靈表無

詩宣切集 卷四
各科年曆

清房洞已靜閒風伊夜來雲生樹陰遠軒廣月
容開宴私移燭飲遊賞藉琴臺風猷冠淄鄴祚
鳥愧唐枚

方池含積水明月流皎鏡規荷承日泫影鱗與
風派上善叶淵心止川測動性幸是方春來側
點游濠盛

浮雲西北起飛來下高堂合散輕帷表飄舞桂
臺陽遙階收委羽平地如夜光眷言金玉照顧

慚蘭蕙芳

炎光缺風雅宗霸拯時淪龍德待雲霧令圖方
再晨歲遠荒城思霜華宿草陳英威遽如是徘徊岐路人

分悲玉瑟斷別緒金樽傾風入芳帷散缸華蘭
殿明想折中園草共知千里情行雲故鄉色贈
此一離聲

年華豫已滌夜艾賞方融新萍時合水弱草未
勝風閨幽瑟易響臺迥月難中春物廣餘照蘭

謝靈運集 卷四
十一
萱佩未窮

連漪映餘雪嚴城限深霧清寒起洞門東風急
池樹神居望已肅徘徊舉冲趣棲歸如遲詠立
山不可屢

和紀參軍服散得益

金液稱九轉西山歌五色鍊質乃排雲濯景終
不測雲英亦可餌且駐羲和力能令長卿卧暫
故遇真識

和王中丞聞琴

涼風吹月露圓景動清陰蕙風入懷抱聞君此
夜琴蕭瑟浦林聽輕鳴響澗音無爲澹容與嗟
跼江海心

積水照頽霞，高臺望歸翼。平原周遠近，連汀見
紆直。葳蕤向春秀，芸黃共秋色。薄暮傷哉人，嬋
媛復何極。

送江水曹還遠館

高館臨荒途，清川帶長陌。上有流思人，懷舊望
歸客。塘邊草雜紅，樹際花猶白。日暮有重城，何
由盡離席。

送江兵曹檀主簿朱孝廉還上國

方舟泛春渚，攜手趨上京。安知暮歸客，詎憶山
中情。香風檠上發，好鳥葉間鳴。揮袂送君已，獨
此夜琴聲。

臨溪送別

悵望南浦時，徙倚北梁步。葉上涼風初，日隱輕
霞暮。荒城迴易陰，秋溪廣難渡。沫泣豈徒然，君
子行多露。

後齋迴望

高軒瞰四野，臨牖眺襟帶。望山白雲裏，望水平
原外。夏木轉成帷，秋荷漸如蓋。鞏洛常睠然，搖

心似懸旆

與江水曹至干濱戲

玉臺云別
江水曹

山中上芳月故人清樽賞遠山翠百重迴流映

千丈花枝聚如雪蕪絲散猶網

一作垂藤
散似網

別後

能相思何嗟異封壤

荅沈右率諸君餞別

春夜別清樽江潭復為客歎息東流水如何故
鄉陌重樹日芬葢芳洲轉如積望望荆臺下歸
夢相思夕

沈約餞謝文學附

漢池水如帶巫山雲似葢潯湘背吳潮潯潏

橫楚瀨一望沮漳水寧思江海會以我徑寸

心從君千里外

虞炎附

差池燕始飛幕歷草初輝離人悵東顧遊子

恰西歸清潮已駕渚潯露復沾衣一乖當春

聚方掩故園扉

范雲附

陽臺霧初解，夢渚水裁淥。遠山隱且見，平沙斷還續。分絃饒苦音，別唱多悽曲。爾拂後車塵，我事東臯粟。

王融附

所知共歌笑，誰忍別笑歌。離軒思黃鳥，分渚夢青莎。翻情結遠旆，灑淚與行波。春江夜明月，還望情如何。

蕭琛附

執手無還顧，別渚有西東。荆吳眇何際，煙波千里通。春筍方解籜，弱柳尙低風。相思將安寄，悵望南飛鴻。

劉繪附

汀洲千里芳，朝雲萬里色。悠悠在天隅，之子去安極。春潭無與窺，秋臺誰共陟。不見一佳人，徒望西飛翼。

離夜同江丞王常侍作

玉繩隱高樹，斜漢耿層臺。離堂華燭盡，別幌清琴哀。翻潮尙知限，客思耿難裁。山川不可夢，況

乃故人杯。

江孝嗣附

石泉行可照蘭杜向含風離歌上春日芳思
徒以空情遽曉雲發心在夕河終幽琴一罷
調清醕誰復同

王常侍附

月沒高樓曉雲起扶桑時燭筵暖無色行住
憫相悲當軒已凝念況乃清江湄懷人忽千
里誰緩鬢祖絲

祀敬亭山廟

翦削兼太華崢嶸跨玄圃貝闕眊阿宮薜帷陰
網戶參差時未來徘徊望澧浦椒糝若馨香無
絕傳終古

出下館

麥候始清和涼雨銷炎燠紅蓮搖弱荇丹藤繞
新竹物色盈懷抱方駕娛耳目零落既難留何
用存華屋

落日同何儀曹照

詩宣城集 卷五 五
參差複殿影氛氳綺羅雜風入天淵池芰荷搖
復合遠聽雀聲聚回望樹陰沓一賞桂尊前寧
傷蓬鬢颯

夜聽妓二首

瓊閨釧響聞瑤席芳塵滿要取洛陽人共命江
南管情多舞態遲意傾歌弄緩知君密見親寸
心傳玉盃

上客光四座佳麗直千金挂釵報纓絕墮珥苔
琴心蛾眉已共笑清香復入襟歡樂夜方靜翠
帳垂沈沈

詠薔薇

低枝詎勝葉輕香幸自通發萼初攢紫餘采尙
霏紅新花對白日故蕊逐行風參差不俱曜誰
肯盼微叢

詠蒲

離離水上蒲結水散爲珠間厠秋菡萏出入春
鳧雛初萌實雕俎暮蓋雜椒塗所悲塘上曲遂
鑠黃金軀

詠兔絲

輕絲既難理。細縷竟無織。爛熳已萬條。連綿復一色。安根不可知。縈心終不測。所貴能卷舒。伊用蓬生直。

遊東堂詠桐

孤桐比窓外。高枝百尺餘。葉生既婀娜。葉落更扶疎。無華復無實。何以贈離居。裁爲珪與瑞。足可命參墟。

雜詠三首

鏡臺

玲瓏類丹檻。茗亭似玄闕。對鳳懸清冰。垂龍挂明月。照粉拂紅粧。插花理雲髮。玉顏徒自見。常畏君情歇。

燈

發翠斜漢裏。蓄寶宕山峯。抽莖類仙掌。銜光似燭龍。飛蛾再三繞。輕花四五重。孤對相思夕。空照舞衣縫。

燭

杏梁賓未散，桂宮明欲沈。
暖色輕帷裏，低光照寶琴。
徘徊雲髻影，的爍綺疏金。
恨君秋月夜，遺我洞房陰。

同詠樂器得琴

洞庭風雨幹，龍門生死枝。
雕刻紛布濩，冲響鬱清卮。
春風搖蕙草，秋月滿華池。
是時操別鶴，淫淫客淚垂。

王融琵琶附

抱月如可明，懷風殊復清。
絲中傳意緒，花裏寄春情。
掩抑有奇態，淒鏘多好聲。
芳袖幸時拂，龍門空自生。

沈約箎附

江南簫管地，妙響發孫枝。
殷勤寄玉指，含情舉復垂。
雕梁再三繞，輕塵四五移。
曲中有深意，丹誠君詎知。

同詠坐上玩器得烏皮隱几

蟠木生附枝，刻削豈無施。
取則龍文鼎，三趾獻光儀。
勿言素韋潔，白沙尚推移。
曲躬奉微用，聊

謝宣城集 卷五
承終宴疲

沈約竹檳榔盤附

稍風有勁質柔用道非一平織方以文穹成
圓且密薦羞雖百品所貴浮天實幸承歡醕
餘寧辭嘉宴畢

同詠坐上所見一物得席

本生潮汐池落景照參差汀洲蔽杜若幽渚奪
江籬遇君時采擷玉座奉金卮但願羅衣拂無
使素塵彌

柳惲詠席附

照日汀洲際搖風綠潭側雖無獨璽絲幸有
青袍色羅袖少輕塵象牀多麗飾願君蘭夜
飲佳人時宴息

王融詠幔附

幸得與珠綴晷歷君之楹月映不辭卷風來
輒自輕每聚金爐氣時駐玉琴聲但願致樽
酒蘭缸當夜明

虞炎詠簾附

青軒明月時紫殿秋風日。矐矐引光輝。曖曖
映容質。清露依檐垂。蛸絲當戶密。寒開誰共
臨。掩晦獨如失。

詠竹火籠

庭雪亂如花。井冰粲成玉。因炎入貂袖。懷溫奉
芳褥。體密用宜通。文邪性非曲。本自江南墟。媿
娟脩且綠。暫承君王指。請謝陽春旭。

失姓名同詠竹火籠附

結根終南下。防露復披雲。雖為九華扇。聊可

滌炎氛。安能偶狐白。鶴卵織成文。覆持鴛鴦
被。百和吐氛氲。忽為織手用。歲暮侍一作羅
裙。

詠風

徘徊發紅萼。葳蕤動綠葹。垂楊低復舉。新萍合
且離。步檐行袖靡。當戶思襟披。高響飄歌吹。相
思子未知。時拂孤鸞鏡。星鬢視參差。

詠竹

牕前一叢竹。青翠獨言奇。南條交北葉。新筍

故枝。月光疎已密。風來起復垂。青扈飛不礙。黃口得相窺。但恨從風籜。根株長別離。

詠落梅

新葉初冉冉。初葢新菲菲。逢君後園燕。相隨巧笑歸。親勞君玉指。摘以贈南威。用持插雲髻。翡翠比光輝。日暮長零落。君恩不可追。

詠牆北梔子

有美當階樹。霜露未能移。金蕢發朱采。映日以離離。幸賴夕陽下。餘景及西枝。還思照綠水。君階無曲池。餘榮未能已。晚實猶見奇。復留傾筐德。君恩信未貲。

詠鷓鴣

蕙草含初芳。瑤池暖晚色。得廁鴻鸞影。晞光弄羽翼。

不翼

蕙草含冰共凝此剡朝色將風散響得誰共弄

精靈賦

謝晉恩言未賞

習無曲水餘榮未銷日別實商長音聲留動當

聯句

阻雪連句遙贈和

積雪皓陰池北風鳴細枝九達密如繡何異遠

別離謝朓風庭舞流霰冰沼結文漸飲春雖以燠

欽賢紛若馳江秀才珠囊條間響玉溜檐下垂杯

酒不相接寸心良共知王丞融飛雲亂無緒結冰

明曲池雖乖促席讌白首信勿虧王蘭陵僧孺飄素

瑩簷溜巖結噎通岐罇壘如未澣况乃限音儀

謝洗馬吳原隰望徒倚松筠竟不移隱憂應萱樹忘

懷待山巵劉中書繪初昕逸翮舉日吳驚馬疲幽山

有桂樹歲暮方參差沈右率約

還塗臨渚

綠水纈清波青山繡芳質落景皎晚陰殘花綺

餘日何從事白沙澹無際青山眇如一傷此物運

移惆悵望還律吳郎白水田外明孤嶺松上出即

趣佳可淹淹留非下秩府君遙和

紀功曹中園

蘭亭仰遠風芳林接雲嶽傾葉順清飈脩莖佇

高鶴何從事連綿夕雲歸晻曖日將落寸陰不可

留蘭墀豈停酌吳郎丹纓猶照樹綠筠方解籜永

志能兩忘即賞謝丘壑府君

閒坐

雨洗花葉鮮泉漫芳塘溢藉此閒賦詩聊用蕩

羈疾陳郎霖霖微雨散歲蕤薰草密預藉芳筵賞

沾生信昭悉紀功曹晏紫葵窗外舒青荷池上出既

闔頰川扉且卧淮南秩府君流風蕩晚陰行雲掩

朝日念此蘭蕙客徒有芳菲質何從事

侍筵西堂落日望鄉

沈病已綿緒負官別鄉憂高城凄夕吹時見國

煙浮曹丞漠漠輕雲晚颯颯高樹秋鄉山不可望

蘭卮且獻酬府君旻高識氣迥泉渟知潦收幸遇

慶筵渥方且沐恩猷紀功曹晏芸黃先露早騷瑟驚

暮秋舊城望已肅况乃客悠悠何從事

往敬亭路中

山中芳杜綠江南蓮葉紫芳年不共遊淹留空

若是府君綠水豐漣漪青山多繡綺新條日向抽

落花紛已委何從事弱葳旣青翠輕沙方霏靡鷺

鷗沒而遊麇麇騰復倚齊舉郎春岸望沈沈清流

見瀾瀾幸藉人外遊盤桓未能徙陳郎鶩楫把瓊

芳隨山訪靈詭榮楯每嶙峋林堂多碣礧府君

祀敬亭山春雨

水府衆靈出石室寶圖開白雲帝鄉下行雨巫

山來府君歌風讚靈德舞蹈起輕埃高軒乍留吹

玄羽或徘徊何從事福降羣仙下識逸百神該青

鳥飛層隙赤鯉泳瀾隈齊舉郎

謝宣城集卷之六
謝宣城集卷之六

謝宣城集卷之六
謝宣城集卷之六

謝宣城集卷之六

齊陳郡謝朓玄暉著

明閩漳張燮紹和纂

表

為百官勸進齊明帝表

臣聞時乘在御必待先天之業神化為皇乃叶
應期之運况復湯孫有緒纂堯惟德舊邦佇新
復禹歸祉大齊之權輿寶曆孕育前古昭假四
海克酬三靈而嗣命疾威蕃鄙叛渙委裘御寓

爨鼎如忽陛下文思體道徇齊作聖翦應龍於
冀州戮長蛇於沮水榮光之瑞昭回延喜之寶
潤色天聰爰發人謀咸贊伏願陛下仰答靈祇
弘宣景命誕受多方奄宅萬國

爲明帝讓封宣城公表

如其懸旌灞滻刷馬伊穀灑酒望屬車之塵整
笏侍升平之禮陛下許謨玄覽欽若宏圖鑒臣
匪躬共申爨訓雖量能之請近遂微躬則弘長
之風足軌來世

爲明帝拜錄尚書表

升降王階拜揚休命六轡在手千里何偕司會
天官之統尚書百僚之本弘之則庶績惟凝贊
之則彝倫斯斲脩身踐言本慙五美果行育德
未階六正妄屬負圖之寄多謝五仁之績操檜
檝於龍津荷梓梁於雲構無以輔位明堂遺像
麟閣

章

爲宣城公拜章

惟天爲大日星度其象謂地益厚河岳宣其氣
斯冕旒所以貞觀袞職所以代終慙下穆而上
尊豈南征而北怨何以克詠九歌載宣七德銘
彼旂常勒斯鐘鼎

文苑英華

尊豈南岳而北然何以京滯以海濱宣以燕維
淇泉瀦旭以貞曠交鄰旭以才務濟中務而士
掛天爲大日星更其參請出益學以宣其廉

爲宣姓公拜章

章

牋

辭隋王子隆牋

故吏文學謝朓死罪死罪卽日被尚書召以朓
補中軍新安王記室參軍朓聞黃汗之水願朝
宗而每竭駑蹇之乘希沃若而中疲何則臯壤
搖落對之惆悵岐路東西或以鳴咽况乃服義
徒擁歸志莫從邈若墜雨翩似秋蒂朓實庸流
行能無筭屬天地休明山川受納哀采一介抽
揚小善故得捨耒場圃奉筆兔園東亂三江西

浮七澤契濶戎旃從容讌語長裾日曳後乘載
脂榮立府庭恩加顏色沐髮晞陽未測涯涘撫
臆論報早誓肌骨不悟滄溟未運波臣自蕩渤
澥方春旅翮先謝清切藩房寂寥舊葦輕舟反
溯弔影獨留白雲在天龍門不見去德茲永思
德滋深惟待青江可望候歸艍於春渚朱邸方
開效蓬心於秋實如其簪履或存衽席無改雖
復身填溝壑猶望妻子知歸攬涕告辭悲來橫
集不任犬馬之誠

啓

爲王敬則謝會稽太守啓

臣本布衣不謀遠大折衝之勤不舉燮理之義
何階常恐覆餗是貽咎徵斯應陛下繼歷聖統
日月重光得以桓珪衮服拜奉歲時視濯獻牲
鞠躬郊廟而鴻恩妄假覆授龜符玉節邁於雙
璜表東侔於四履臨邊三事旣謝張溫潁川再
撫亦慙黃霸

日日重光時以酥玉交相轉
河洲常恐露輪長
日本亦不驚
大能商之
不聚
愛
匪
文
壽

為王婚四橋會部太守

習

謝隨王賜左傳啓

昭晰殺青近發中汗恩勸挾策慈勗下帷
眺未窺山笥早惜河籍業謝專門說非章句
庶得既困而學括羽瑩其蒙心家藏賜書
籛金遺其貽厥披覽神勝吟諷知厚

謝隨王賜紫梨啓

味出靈闕之陰旨珍玉津之澁豈徒真定歸美
大谷慙滋將恐帝臺妙棠安期靈棗不得孤擅
王盤獨甘仙席雖秦君傳器漢后推冷望古可
儔於今何答

教

爲錄公拜揚州恩教

昔召南分陝流甘棠之德平陽好道深獄市之
寄吾忝屬負荷任總侯伯受餞元戎作牧中甸
此地五都雜會四方是則而向隅之矜斯積納
隍之歎猶繁興念下車無忘待旦有齊禮導德
致之仁壽弘漏網之寬申在宥之澤

爲東海餉諸葛處士教

昔長孫東組降龍丘之節文舉北轡高通德之
稱所以激貪立懦式揚風範處士諸葛璩高風
所漸結轍前脩豈懷珠被褐韜玉待價將幽貞
獨往不事王侯者耶聞事親有啜菽之寔就養
寡藜蒸之給豈得獨享萬鍾而忘茲五秉可餉
穀百斛

哀策文

齊敬皇后哀策文

惟永泰元年秋九月朔日敬皇后梓宮啓自先
塋將祔于興安陵其日至尊親奉奠明皇帝乃
使兼太尉陳顯達設祖于行宮禮也翠帟舒阜
玄堂啓扉俎徹三獻筵卷六衣哀子嗣皇帝懷
蜃衛而延首想鷺輅而撫心痛椒塗之先廓哀
長信之莫臨身隔兩赴時無二展旋詔左言光
敷聖善其辭曰

帝唐遠胄御龍遙緒在秦作劉在漢開楚肇惟
淑聖克柔克令清漢表靈曾沙膺慶爰定厥祥
徽音允穆光華沼沚榮曜中谷敬始紘緼教先
種稷睿問川流神襟蘭郁先德韜光君道方被
于佐求賢在謁無訛顧史弘式陳詩展義厚下
曰仁藏往伊智十亂斯俟四教罔忒思媚諸姑
貽我嬪則化自公宮遠被南國軒曜懷光素舒
佇德閔予不祐慈訓早違方年冲藐懷袖靡依
家臻寶業身嗣昌暉壽宮寂遠清廟虛歸嗚呼
哀哉帝遷明命民神胥悅乾景外臨陰儀內缺
空悲故劍徒嗟金穴瑋瓚奚獻禕禴罔設嗚呼
哀哉馮相告禋宸駕長往貽厥遠圖末命是獎
懷豐沛之綢繆兮背神京之弘敞陋蒼梧之不
從兮遵鮒隅以同壤嗚呼哀哉陳象設於園寢
今映輿鍍於松楸望承明而不入兮度清洛而
南游繼池綽於通軌兮接龍帷于造舟迴塘寂
其已暮兮東川澹而不流嗚呼哀哉藉閔宮之
遠烈兮聞纘女之遐慶始協德於蘋蘩兮終配

祀而表命慕方纏於賜衣兮哀日隆於撫鏡思
寒泉之罔極兮託彤管於遺詠嗚呼哀哉

至與輿雖外外州望承用而不入今更青谷而
並合數撫圖以同製即判哀詩則來為於國寡
對豐亦之騰際令昔輒哀之及前則養部之不
哀詩然味告對冥蕭身出領類意為之大余吳英
空悲姑險并到金六章贊美精之已而如如
哀詩帝製即命吳輒看對薄景於國制於如如

謚冊文

齊明皇帝謚冊文

維永泰元年九月朔日哀子嗣皇帝諱仰惟大
行皇帝早棄萬邦聖烈方遠式遵一作尊帝世俾

鬯鴻猷咸以為無名以化則言繁莫宣其道有
求斯應則影響庶圖其功所以永言配命寄心
宗極光昭令德允樹風聲伏惟大行皇帝合信
四時齊明日月創保大於登庸通神機於受命
因時以暢藉九萬而輕舉天保既定運四海而

高臨及迺開物成務重維國綱風行草化心往
如神左賢右戚內樂外禮輯五材以教民申三
驅而在宥用能威德殷薦美善斯畢皇矣之業
既乎蒸哉之道咸備景化方遠厭世在天龜筮
告期遠日無改仰則前王俯詢百辟累德稱睿
允極鴻名謹命某申奉大牢之奠謹上尊謚曰
明皇帝廟號高宗天人允協神其尚饗嗚呼哀
哉

墓銘

臨海公主墓銘

長發有祥瑤臺乃構玄鳥歸飛北音斯奏聿來
徐土禎符爰授帝體靈柯穠華以秀飾館東魯
言歸景族有教公宮無繫車服旣肅簪珥亦崇
湯沐率禮衡門降情雲屋彼月斯望在鈞維緝
瞻須配景望燭齊神靈華崑岫滅采上春慈纏
雲陞悲動外姻鬱彼崇芒睠然城輦輜翟按轡
龍旒徐轉

新安長公主墓銘

氛氲長發時惟睿文誕茲明淑玉振蘭芬譽宣
女師德侔高行肅穆嬪風優游闈正撫事成箴
臨圖作鏡如何冥默方春委盛

海陵王昭文墓銘

中樞誕聖膺曆受命於穆二祖天臨海鏡顯允
世宗溫文著性三善有聲四國無競嗣德方衰
時唯介第景祚云及多難攸啓載驅軫轄高闕
代邸庶辟欣欣威儀濟濟亦旣負辰言觀帝則
正位恭已臨朝淵嘿虔思寶締負荷非克敬順
天人高遜明德西光已謝東旭又涼龍燾夕儼
葆撓晨鏘風搖草色日照松光春秋非我晚夜
何長

鬱林王墓銘

綠車旖旎翠綈掩映癸貳戲良臨祧弛盛毀德
歸桐葉尊居鄭

祭文

祭大雷何周二神文

大過在運小雅盡缺瓊鏡日淪金車未晰周生
電斷神謨英冠正因部奇風歛雲散晉德如燬
功資叶贊山無猛鷲時曠忠賢流王于甦龜鼎
忽焉忠肅布衣君親自然驅狐上國斬鯢中川
紛綸訢入氛氲配天

爲隨王東耕文

穀躔星景稽表蜡先八政奚首六府茲宣弊嗟
非國登頌有年一夫或怠望歲誰天

爲諸姊祭阮夫人文

婉婉嬪德幽閑嬪性眇史弘箴陳詩陳詠嘉言
足題清暉可映契闊未幾音塵如昨申景遽傾
芳木先落疇昔交觴享也虛薦帶上先結握中
遺扇逸淚失聲潺湲如霰

恒應侍接朏可還都朏道中爲詩寄西府曰常
恐鷹隼擊秋菊委嚴霜寄言尉羅者寥廓已高
翔遷新安王中軍記室尋以本官兼尙書殿中
郎隆昌初敕朏接北使朏自以口訥啓讓見許
高宗輔政以朏爲驃騎諮議領記室掌霸府文
筆又掌中書詔誥除祕書丞未拜仍轉中書郎
出爲宣城太守以選復爲中書郎建武四年出
爲晉安王鎮北諮議南東海太守行南徐州事
啓王敬則反謀上甚嘉賞之遷尙書吏部郎朏
上表三讓中書疑朏官未及讓以問參酒沈約
約曰宋元嘉中范曄讓吏部朱脩之讓黃門蔡
興宗讓中書竝三表詔荅具事宛然近世小官
不讓遂成恒俗恐此有乖讓意王藍田劉安西
並貴重初不自讓今豈可慕此不讓邪孫興公
孔顓並讓記室今豈可三署皆讓邪謝吏部今
授超階讓別有意豈關官之大小攜讓之美本
出人情若大官必讓便與詣闕章表不異例旣
如此謂都非疑朏又啓讓上優荅不許朏善草

隸長五言詩沈約常云二百年來無此詩也敬
皇后遷祔山陵朏撰哀策文齊世莫有及者東
昏失德江柘欲立江夏王寶玄末更回惑與弟
祀密謂朏曰江夏年少輕脫不堪負荷神器不
可復行廢立始安年長入纂不乖物望非以此
要富貴政是求安國家耳遙光又遣親人劉渢
密致意於朏欲以爲肺腑朏自以受恩高宗非
渢所言不肯荅少日遙光以朏兼知衛尉事朏
懼見引卽以柘等謀告左興盛興盛不敢發言

柘聞以告遙光遙光大怒乃稱勅召朏仍回車
付廷尉與徐孝嗣柘暄等連名啓誅朏曰謝朏
資性險薄大彰遠近王敬則往構凶逆微有誠
効自爾昇擢超越倫伍而豁壑無厭著於觸事
比遂扇動內外處處姦說妄貶乘輿竊論宮禁
間謗親賢輕議朝宰醜言異計非可具聞無君
之心旣著共棄之誅宜及臣等參議宜下比里
肅正刑書詔公等啓事如此朏資性輕險久彰
物議直以雕蟲薄伎見齒衣冠昔在渚宮構扇

蕃邸日夜從諛仰窺俯畫及還京師翻自宣露
江漢無波以爲已功素論於茲而盡縉紳所以
側目去夏之事頗有微誠賞擢曲加踰邁倫序
感悅未聞陵競彌著遂復矯構風塵妄惑朱紫
詆貶朝政疑問親賢巧言利口見醜前志涓流
纖孽作戒遠圖宜有少正之刑以申去害之義
便可收付廷尉肅明國典又使御史中丞范岫
奏收朏下獄死時年三十六朏初告王敬則敬
則女爲朏妻常懷刀欲報朏朏不敢相見及爲
吏部郎沈昭畧謂朏曰卿人地之美無忝此職
但恨今日刑于寡妻朏臨敗歎曰我不殺王公
王公由我而死

尤被賞不捨日夕

欲以啓問

王公由非而丞

卧地今日既干寒妻州謂娘熯曰非不錄王公
吏涪涪水即畧謂州曰懶入世之美無亦此錄

謝朓傳

唐李延壽

朓字玄暉少好學有美名文章清麗為齊隨王
子隆鎮西功曹轉文學子隆在荊州好辭賦朓
尤被賞不捨日夕長史王秀之以朓年少相動
欲以啓聞朓知之因事求還道中為詩寄西府
曰常恐鷹隼擊時菊委嚴霜寄言尉羅者寥廓
已高翔是也仍除新安王中軍記室朓牋辭子
隆時荊州信去倚待朓執筆便成文無點易以
本官兼尚書殿中郎隆昌初敕朓接比使朓自

以口訥啓讓見許明帝輔政以爲驃騎諮議領
記室掌霸府文筆又掌中書詔誥轉中書郎出
爲晉安王鎮北諮議南東海太守行南徐州事
啓王敬則反謀上甚賞之遷尚書吏部郎朏上
表三讓中書疑朏官未及讓以問國子祭酒沈
約約曰宋元嘉中范曄讓吏部朱脩之讓黃門
蔡興宗讓中書並三表詔答近代小官不讓遂
成恒俗恐有乖讓意王藍田劉安西並貴重初
自不讓今豈可慕此不讓耶孫興公孔顛並讓
記室今豈可三署皆讓耶謝吏部今授超階讓
別有意豈關官之大小攜謙之美本出人情若
大官必讓便與詣闕章表不異例旣如此謂都
非疑朏讓復答不許朏善草隸長五言詩沈約
常云二百年來無此詩也敬皇后遷祔山陵朏
撰哀策文齊世莫有及者東昏失德江祏欲立
江夏王寶玄末更回惑與弟祀密謂朏曰江夏
年少脫不堪不可復行廢立始安年長入纂不
乖物望非以此要富貴只求安國家爾遙光又

遣親人劉灑致意於朏朏自以受恩明帝不肯
荅少日遙光以朏兼知衛尉事朏懼見引卽以
柘等謀告左興盛又說劉暄曰始安一旦南面
則劉灑劉晏居卿今地但以卿爲反覆人爾暄
陽驚馳告始安王及江柘始安欲出朏爲東陽
邵柘固執不與先是朏常輕柘爲人柘常請朏
朏因言有一詩呼左右取旣而便停柘問其故
云定復不急柘以爲輕已後柘及弟祀劉灑劉
晏俱候朏朏謂柘曰可謂帶二江之雙流以嘲
弄之柘轉不堪至是構而害之詔暴其過惡收
付廷尉又使御史中丞范岫奏收朏下獄死時
年三十六臨終謂門賓曰寄語沈公君方爲三
代史亦不得見沒初朏告王敬則反敬則女爲
朏妻常懷刀欲報朏朏不敢相見及當拜吏部
謙挹尤甚尚書郎范縝嘲之曰卿人才無慙小
選但恨不可刑于寡妻朏有愧色及臨誅歎曰
天道其不可昧乎我雖不殺王公王公因我而
死朏好獎人才會稽孔顛粗有才筆未爲時知

孔珪嘗令草讓表以示朏朏嗟吟良久手自折簡寫之謂珪曰是子聲名未立應共獎成無惜齒牙餘論其好善如此朏及殷叡素與梁武以文章相得帝以大女永興公主適叡子鈞第二女永世公主適朏子謨及帝爲雍州二女並暫隨母向州及武帝卽位二主始隨內還武帝意薄謨又以門單欲更適張弘策子策卒又以與王志子謹而謨不堪歎恨爲書狀如詩贈主主以呈帝甚蒙矜歎而婦終不得還尋用謨爲信制此書云

安縣稍遷王府諮議時以爲沈約早與朏善爲

謝朓書云

安樂辭惡王執請請却以爲武條早與湘善

傷謝朓

梁沈約

吏部信才傑文峰振奇響調與金石諧思逐風
雲上豈言陵霜質忽隨人事往尺璧爾何冤一
旦同丘壤

板橋浦汎月獨酌懷謝朓 李白

天上何所有迢迢白玉繩斜低建章闕耿耿對
金陵漢水舊如練霜江夜清澄長川瀉落月洲
渚曉寒凝獨酌板橋浦古人誰可徵玄暉難再
得灑酒淚填膺

謝朓樓餞別

唐李白

蓬萊文章建安骨中間小謝又清發俱懷逸興
壯思飛欲上青天覽日月

謝公宅

唐李白

青山日將暝寂寞謝公宅竹裏無人聲池中虛
月白荒庭衰草偏廢井蒼苔積惟有清風閑時
時起泉石

謝公亭

唐李白

謝公離別處風景每生愁客散青天月山空碧
水流池花春映日窓竹夜鳴秋今古一相接長
歌懷舊遊

疊嶂樓

唐李白

江城如畫裏山晚望晴空雨水夾明鏡雙橋落
彩虹人煙寒橘柚秋色老梧桐誰念北樓上臨
風憶謝公

人言林公

深取人聖寒澌林林色老欲麻新念其對上臨

云妣收畫裏山到望湖空雨水來明鏡雙嶺密

時起疊朝數

唐李 白

烟對書卷

水飛燕芥春烟日密竹外翻林今古一跡

遺事

謝朓嘗宿衛過候江革見革弊絮單席脫所著

襦并手割半氈與革克臥具而去 梁書

劉孝綽無所與讓惟服謝朓詩常以謝詩置几

案間動靜輒諷咏 太平廣記

謝朓為宣城內史每視事高齋吟嘯自若而郡

亦告治初朓嘗有言烟霞泉石惟隱遁者得之

宦遊而辦此者鮮矣及領宣城境中多佳山水

雙旌五馬遊歷殆盡風流文采颺炳一時人至

今稱謝宣城云 郡志

謝玄暉愛青山之勝有終焉之志遂室其南今保任觀是也唐天寶間易名謝公山山椒有謝公池其麓有謝公井 太平府志

集評

梁高祖絕重謝朓詩嘗曰不讀謝詩三日覺口

臭 談藪

謝朓沈約之詩任昉陸倕之筆斯文章之冠冕

述作之楷模

梁簡文與湘東王書

謝朓詩其源出于謝混微傷細密然奇章秀句往往警邁足使叔源失步明遠變色善自發詩端而未篇多躡此意銳而才弱也至為後進士子之所嗟慕朓極與余論詩感激頓挫過其文

詩品

李太白登華山落鴈峰嘆云恨不攜謝朓驚人

詩來搔首問青天耳 語林

謝康樂一字百煉乃出治玄暉尤麗密謝朓詩

如大江流日夜客心悲未央金波麗鳩鵲玉繩

低建章如白日麗飛甍參差皆可見餘霞散成

綺澄江淨如練皆吞吐日月摘躡星辰之句 存餘

堂詩話

江左諸謝見文選者六人希逸無詩宣遠叔頴

有詩不工今取靈運惠連玄暉詩合六十四篇

為三謝詩詩至玄暉語益工然蕭散自得之趣

亦復少減漸有唐風於此可觀世變也 唐子西語錄

謝朓之作如西山清曉霏藍翕黛之中時有爽

氣 竹林詩話

玄暉不惟工發端撰造精麗風華映人一時之

傑青蓮目無往古獨三四稱服形之詞詠 菴苑

謝玄暉靈妙之心英秀之骨幽恬之氣俊慧之

舌一時無對似撮康樂淵明之勝而似皆有不

敵處曰厚然是康樂以下諸謝以上詩歸

支那不削工幾器與豈辭異風華期入一報之

康

精精
竹林

備州之平收西山青報霏蓋食菓之中湖亦矣

亦身少凝漸百書風然出下隨世變也精精
竹西

為三攜精精至支那器益工然蕭蕭自新之類

育精不工今如靈戰惠靈支那精合六十四篇

卷之五